

& lactens de medio Iudæ, nec relinquatur vobis quidquam residuum:

8. Provocantes me in operibus manuum vestrarum, sacrificando diis alienis in Terra Ægypti, in quam ingressi estis ut habitetis ibi: & dispereatis, & sitis in maledictionem, & in opprobrium cunctis gentibus terræ?

9. Numquid obliti estis mala patrum vestrorum, & mala regum Iuda, & mala uxorum eius, & mala vestra, & mala uxorum vestrarum, quæ fecerunt in Terra Iuda, & in regionibus Ierusalem?

10. Non sunt mundati usque ad diem hanc: & non timuerunt, & non ambulaverunt in lege Domini, & in præceptis meis, quæ dedi coram vobis & coram patribus vestris.

11. Ideo hæc dicit Dominus exercituum Deus Israël: * Ecce ego ponam faciem meam in vobis in malum: & disperdam omnem Iudam.

12. Et assumam reliquias Iudæ, qui posuerunt facies suas ut ingrederentur Terram Ægypti, & habitarent ibi: & confumentur omnes in Terra Ægypti: cadent in gladio & in fame: & confumentur à minimo usque ad maximum in gladio, & in fame morientur: & erunt in iusiurandum, & in miraculum, & in maledictionem, & in opprobrium.

13. Et visitabo super habitatores Terræ Ægypti, sicut visitavi super Ierusalem in gladio, & fame, & peste.

14. Et non erit qui effugiat, & sit residuus de reliquiis Iudeorum, qui vadunt ut peregrinentur in Terra Ægypti: & revertantur in Terram Iuda, ad quam ipsi elevant animas suas ut revertantur, & habitent ibi: non revertentur nisi qui fugerint.

15. Responderunt autem Ieremiæ omnes viri scientes quod sacrificarent uxores eorum diis alienis: & universæ mulieres, quarum stabat multitudo grandis, & omnis populus habitantium in Terra Ægypti in Phatures, dicentes:

16. Sermonem, quem locutus es ad nos in nomine Domini, non audiemus ex te:

17. sed facientes faciemus omne verbum, quod egredietur de ore nostro ut sacrificemus reginæ cæli, & libemus ei libamina, sicut fecimus nos, & patres nostri, reges nostri, & principes nostri in urbibus Iuda, & in plateis Ierusalem: & saturati sumus panibus, & bene nobis erat, malumque non vidimus.

18. Ex eo autem tempore, quo cessavimus sacrificare reginæ cæli, & libare ei libamina, indigemus omnibus, & gladio, & fame consumpti sumus.

19. Quod si nos sacrificamus reginæ cæli, & libamus ei libamina: numquid sinè viris nostris fecimus ei placentas ad colendum eam, & libandum ei libamina?

20. Et dixit Ieremias ad omnem populum adversum viros, & adversum mulieres, & adversum universam plebem, qui responderant ei verbum, dicens:

21. Numquid non sacrificastis in civitatibus Iuda, & in plateis Ierusalem vos & patres vestri, reges vestri, & principes vestri, & populus terræ, horum recordatus est Dominus, & ascendit super cor eius?

22. Et non poterat Dominus ultra portare propter malitiam studiorum vestrorum, & propter abominationes, quas fecistis, & facta est terra vestra in desolationem, & in stuporem, & in maledictum, eò quod non sit habitator, sicut est dies hæc.

23. Propterea quod sacrificaveritis idolis, & peccaveritis Domino: & non audieritis vocem Domini, & in lege, & in præceptis, & in testimoniis eius non ambulaveritis: idcirco evenerunt vobis mala hæc, sicut est dies hæc.

24. Dixit autem Ieremias ad omnem populum, & ad universas mulieres: Audite verbum Domini omnis Iuda, qui estis in Terra Ægypti:

25. Hæc inquit Dominus exercituum Deus Israël, dicens: Vos, & uxores vestra locuti estis ore vestro, & manibus vestris implestis, dicentes: Faciamus vota nostra, quæ vovimus, ut sacrificemus reginæ cæli, & libemus ei libamina. implestis vota vestra, & opere perpetrastis ea.

26. Ideo audite verbum Domini omnis Iuda, qui habitatis in Terra Ægypti: Ecce ego iuravi in nomine meo magno, ait Dominus: quia nequaquam ultra vocabitur nomen meum ex ore omnis viri Iudæi, dicentis: Vivit Dominus Deus in omni Terra Ægypti.

27. Ecce ego vigilabo super eos in malum, & non in bonum: & confumentur omnes viri Iuda, qui sunt in Terra Ægypti, gladio, & fame donec penitus consumantur.

28. Et qui fugerint gladium, revertentur de Terra Ægypti in Terram Iuda viri pauci: & scient omnes reliquiæ Iuda ingredientium Terram Ægypti, ut habitent

tent

tent ibi, cuius sermo compleatur, meus, an illorum.

29. Et hoc vobis signum, ait Dominus, quod visitem ego super vos in loco isto: ut sciatis quia verè complebuntur sermones mei contra vos in malum.

* Sive Hophra filius Psammis, Nechaonis nepos, de quo 4. Reg. 23. 29. & alibi.

Id autem tunc completam est, cum circa ann. 3433. iste Pharaos ad urbem Memphim cum Amali congressus, victus & captus est, ac demum strangulatus. Herod. l. 2. & Diod. Sic. lib. 1.

30. Hæc dicit Dominus: Ecce ego tradam Pharaonem Ephree * regem Ægypti in manu inimicorum eius, & in manu quærentium animam illius: sicut tradidi Sedeciam regem Iuda in manu Nabuchodonosor regis Babylonis inimici sui, & quærentis animam eius.

CAPUT XLV.

Deus per Ieremiam arguit Baruch, quod quereret se dolorem habere, & non requiem; cui tamen in ceterorum vastatione pollicetur securitatem.

1. Verbum, quod locutus est Ieremias propheta ad Baruch filium Neræ, cum scripsisset verba hæc * in libro ex ore Ieremiæ, anno quarto Ioakim filij Iosæ regis Iuda, dicens:

* Nempè posita sup. c. 36. Est- que consolatoria hæc propheta ad Baruch plus æquo de se sollicitum, ob ea que universo populo eventura audiverat à Ieremia.

2. Hæc dicit Dominus Deus Israël ad te Baruch:

3. Dixisti: Væ misero mihi, quoniam addidit Dominus dolorem dolori meo: laboravi in gemitu meo, & requiem non invenni.

4. Hæc dicit Dominus: Sic dices ad eum: Ecce quos ædificavi, ego destruo: & quos plantavi, ego evello & universam terram hanc.

5. Et tu quæris tibi grandia? noli quærere: quia ecce ego adducam malum super omnem carnem, ait Dominus: & dabo tibi animam tuam in salutem in omnibus locis, ad quacumque perrexeris.

CAPUT XLVI.

Dominus per Ieremiam Pharaoni & Ægypto prænunciat desolationem, quam inducet Nabuchodonosor; Iudæis autem & filiis Israël consolationem tandem ac liberationem; universis verò Gentibus, ad quas Deus illos eiecerat, vastationem.

Hæc prima propheta de Nabuchodonosor statim effectu comprobata.

1. Quod factum est verbum Domini ad Ieremiam prophetam contra Gentes

2. ad Ægyptum adversum exercitum

Pharaonis Nechao regis Ægypti, qui erat iuxta fluvium Euphraten in Charcamis, quem percussit Nabuchodonosor rex Babylonis, in quarto anno * Ioakim filij Io-

* Anno M. 3397. Ant. Chr. 607. Ioachimi 4. inchoante.

3. Præparate scutum, & clypeum, & procedite ad bellum.

4. Iungite equos, & ascendite equites: state in galæis, polite lanceas, induite vos loriceis.

5. Quid igitur? vidi ipsos pavidos, & terga vertentes, fortes eorum caesos: fugerunt conciti, nec respexerunt: terror undique, ait Dominus.

6. Non fugiat velox, nec salvari se putet fortis: Ad Aquilonem iuxta flumen Euphraten victi sunt, & ruerunt.

7. Quis est iste, qui quasi flumen ascendit: & veluti fluviorum, intumescunt gurgites eius?

8. Ægyptus, fluminis instar ascendit, & velut flumina movebuntur fluctus eius, & dicit: Ascendens operiam terram: perdam civitatem, & habitatores eius.

9. Ascendite equos, & exultate in curribus, & procedant fortes, Æthiopia, & Libyes tenentes scutum, & Lydii arripientes, & iacientes sagittas.

10. Dies autem ille Domini Dei exercituum dies ultionis, ut sumat vindictam de inimicis suis: devorabit gladius, & saturabitur, & inebriabitur sanguine eorum: victima enim Domini Dei exercituum in Terra Aquilonis iuxta flumen Euphraten.

11. Ascende in Galaad, & tolle refinam virgo filia Ægypti: frustra multiplicas medicamina, sanitas non erit tibi.

12. Audierunt Gentes ignominiam tuam, & ululatus tuus replevit terram: quia fortis impegit in fortem, & ambo pariter conciderunt.

13. Verbum * quod locutus est Dominus ad Ieremiam prophetam, super eo quod venturus esset Nabuchodonosor rex Babylonis & percussurus Terram Ægypti:

* Hæc 2. est propheta de Nabuchodonosor, quæ non nisi post captam Tyrum completa est, anno captivitatis Iechoniae 27. Ezec. 29. 19. * V. sup. 44. 1.

14. Annunciate Ægypto, & auditum facite in Mádalo, * & resonet in Memphis, & in Taphnis, dicite: Sta, & præpara te: quia devorabit gladius ea, quæ per circuitum tuum sunt.

15. Quare computruit fortis tuus? non stetit: quoniam Dominus subvertit eum.

16. Multiplicavit ruentes, ceciditque vir ad proximum suum: & dicent: Surge, & revertamur ad populum nostrum, & ad terram nativitatis nostræ, à facie gladij columbæ.

17. Vocate nomen Pharaonis regis Ægypti, tumultum adduxit tempus.

18. Vivo ego (inquit rex, Dominus exercituum nomen eius) quoniam ſicut Thabor in montibus, & ſicut Carmelus in mari, veniet.

19. Vaſa tranſmigrationis fac tibi habitatrix filia Ægypti: quia Memphis in ſolitudinem erit, & deſeretur, & inhabitabilis erit.

20. Vitula elegans atque formoſa Ægyptus: ſtimulator ab Aquilone veniet ei.

21. Mercenarii quoque eius, qui verſabantur in medio eius, quaſi vituli ſaginati verſi ſunt, & fugerunt ſimul, nec ſtare potuerunt: quia dies interfectionis eorum venit ſuper eos, tempus viſitationis eorum.

22. Vox eius quaſi æris ſonabit: quoniam cum exercitu properabunt, & cum ſecuribus venient ei, quaſi cædentes ligna.

23. Succiderunt ſaltum eius, ait Dominus, qui ſupplicari non poteſt: multiplicati ſunt ſuper locuſtas, & non eſt eis numerus.

24. Confuſa eſt filia Ægypti, & tradita in manu populi Aquilonis.

25. Dixit Dominus exercituum Deus Iſraël: Ecce ego viſitabo ſuper tumultum Alexandria, & ſuper Pharaonem, & ſuper Ægyptum, & ſuper deos eius, & ſuper reges eius, & ſuper Pharaonem, & ſuper eos, qui confident in eo.

26. Et dabo eos in manu quaerentium animam eorum, & in manu Nabuchodonofor regis Babylonis, & in manus fervorum eius: & poſt hæc habitabitur * ſicut diebus priſtinis, ait Dominus.

* V. Ezech.
29. 13.

* Iſai. 43.
1. & 44. 2.

27. * Et tu ne timeas ſerve meus Iacob, & ne paveas Iſraël: quia ecce ego ſalvum te faciam de longinquo, & ſemen tuum de terra captivitatis tuæ: & revertetur Iacob, & requieſcet, & proſperabitur: & non erit qui exterreat eum.

28. Et tu noli timere ſerve meus Iacob, ait Dominus: quia tecum ego ſum, quia ego conſumam cunctas gentes, ad quas eieci te: te verò non conſumam, ſed caſtigabo te in iudicio, nec quaſi innocenti parcam tibi.

CAPUT XLVII.

Vaſtatio prædicatur Palaſthinorum, Tyri, Sidonis, Gaza, & Aſcalonis.

1. Quid factum eſt verbum Domini ad Ieremiam prophetam contra Palaſthinos, antequam percuteret Pharaon Gazam:

2. Hæc dicit Dominus: Ecce aquæ af-

cedunt ab Aquilone, & erunt quaſi torrens inundans, & operient terram, & plenitudinem eius, urbem & habitatores eius: clamabunt homines, & ululabunt omnes habitatores terræ

3. à ſtrepitu pompæ armorum, & bellatorum eius, à commotione quadrigarum eius, & multitudine rotarum illius. Non reſpexerunt patres filios manibus diſſolutis

4. pro adventu diei, in quo vaſtabuntur omnes Philithiim, & diſſipabitur Tyrus, & Sidon cum omnibus reliquis auxiliis ſuis. depopulatus eſt enim Dominus Palaſthinos, * reliquias inſulæ Cappadociæ. * Dent. 2.

5. Venit calvitium ſuper Gazam: conticuit Aſcalon, & reliquæ vallis earum, uſquequo concideris? * Amos 9. 7.

6. O mucro Domini uſquequo non quieſces? Ingredere in vaginam tuam, refrigerare, & ſile.

7. Quomodo quieſcet cum Dominus præceperit ei adverſus Aſcalonem, & adverſus maritimas eius regiones, ibique condixerit illi?

CAPUT XLVIII.

Prædicat Dominus vaſtationem Moab, & omnium urbium eius, ſed in noviffimis diebus captivitatem ipſorum relaxandam: maledictus dicitur faciens opus Domini fraudulenter, & gladium ſuum à ſanguine prohibens.

1. AD Moab hæc dicit Dominus exercituum Deus Iſraël: Væ ſuper Nabo, quoniam vaſtata eſt, & confuſa: capta eſt Cariathaïm: confuſa eſt fortis, & tremuit. * V. Supr. 27. & Ezech. 25.

2. Non eſt ultra exultatio in Moab contra Heſebon: cogitaverunt malum. Venite, & diſperdamus eam de gente. ergo ſilens conticeſces, ſequeturque te gladius.

3. Vox clamoris de Oronaïm: vaſtitas, & contritio magna.

4. Contrita eſt Moab: annunciate clamorem parvulis eius.

5. Per aſcenſum enim Luith plorans aſcendet in fletu: quoniam in deſcenſu Oronaïm hoſtes ululatum contritionis audierunt:

6. Fugite, ſalvate animas veſtras: & eritis * quaſi myricæ in deſerto. * Supr. 17.

7. Pro eo enim quòd habuiſti fiduciam in munitionibus tuis, & in theſauris tuis, tu quoque capieris: & ibit Chamos in tranſmigrationem, ſacerdotes eius, & principes eius ſimul.

8. Et

8. Et veniet prædo ad omnem urbem, & urbs nulla ſalvabitur: & peribunt valles, & diſſipabuntur campeſtria: quoniam dixit Dominus:

9. Date florem Moab, quia florens egredietur: & civitates eius deſertæ erunt, & inhabitabiles.

10. Maledictus, qui facit opus Domini fraudulenter: & maledictus, qui prohibet gladium ſuum à ſanguine.

11. Fertilis fuit Moab ab adoleſcentia ſua, & requievit in * facibus ſuis: nec tranſfuſus eſt de vaſe in vaſ, & in tranſmigrationem non abiit: idcirco permanſit guſtus eius in eo, & odor eius non eſt immutatus.

12. Propterea ecce dies veniunt, dicit Dominus: & mittam ei ordinatores, & ſtratores laguncularum, & ſternent eum, & vaſa eius exhaurient, & lagunculas eorum collident.

13. Et confundetur Moab à Chamos, * ſicut confuſa eſt domus Iſraël à Bethel, in qua habebat fiduciam. * 3. Reg. 12. 29.

14. Quomodo dicitis: * Fortes ſumus, & viri robuſti ad præliandum? * Iſai. 16. 6.

15. Vaſtata eſt Moab, & civitates illius fucciderunt: & electi iuvenes eius deſcenderunt in occiſionem: ait rex, Dominus exercituum nomen eius.

16. Prope eſt interitus Moab ut veniat: & malum eius velociter accurret nimis.

17. Conſolamini eum omnes, qui eſtis in circuitu eius, & univerſi, qui ſcitis nomen eius, dicite: Quomodo conſtracta eſt virga fortis, baculus glorioſus?

18. Deſcende de gloria, & ſede in ſiti habitatio filia Dibon: quoniam vaſtator Moab aſcendit ad te, diſſipavit munitiones tuas.

19. In via ſta, & proſpice habitatio Aroër: interroga fugientem: & ei, qui evaſit, dic: Quid accidit?

20. Confuſus eſt Moab, quoniam victus eſt: ululate, & clamate, annunciate in Arnon, quoniam vaſtata eſt Moab.

21. Et iudicium venit ad terram campeſtrem: ſuper Helon, & ſuper Iaſa, & ſuper Mephaath,

22. & ſuper Dibon, & ſuper Nabo, & ſuper domum Deblathaïm,

23. & ſuper Cariathaïm, & ſuper Bethgamul, & ſuper Bethmaon,

24. & ſuper Carioth, & ſuper Boſra: & ſuper omnes civitates terræ Moab, quæ longè, & quæ propè ſunt.

25. Abſciſſum eſt cornu Moab, & bra-

chium eius contritum eſt, ait Dominus.

26. Inebriate eum, quoniam contra Dominum erectus eſt: & allidet manum Moab in vomitu ſuo, & erit in deriſum etiam ipſe:

27. fuit enim in deriſum tibi Iſraël: quaſi inter fures reperiffes eum: propter verba ergo tua, quæ adverſum illum locutus es, captivus ducèris.

28. Relinquire civitates, & habitate in petra habitatores Moab: & eſtote quaſi columba nidificans in ſummo ore foraminis.

29. * Audivimus ſuperbiam Moab, ſuperbus eſt valde: ſublimitatem eius, & arrogantiam, & ſuperbiam, & altitudinem cordis eius. * Iſai. 16. 6.

30. Ego ſcio, ait Dominus, iactantiam eius: & quòd non ſit iuxta eam virtus eius, nec iuxta quòd poterat conata ſit facere.

31. Ideo ſuper Moab eiulabo, & ad Moab univerſam clamabo, ad viros muri fictilis lamentantes.

32. De planctu Iazer plorabo tibi vinea Sabama: propagine tuæ tranſierunt mare, uſque ad mare Iazer pervenerunt: ſuper meſſem tuam, & vindemiam tuam prædo irruit.

33. * Ablata eſt lætitia & exultatio de Carmelo, & de terra Moab, & vinum de torcularibus ſuſtuli: nequaquam calcator uvæ ſolitus celeuma cantabit. * Iſai. 16. 10.

34. De clamore Heſebon uſque Eleale, & Iaſa, dederunt vocem ſuam: à Segor uſque ad Oronaïm vitula conternante: aquæ quoque Nemrim peſſimæ erunt.

35. Et auferam de Moab, ait Dominus, offerentem in excelliſ, & ſacrificantem diis eius.

36. Propterea cor meum ad Moab quaſi tibia reſonabit: & cor meum ad viros muri fictilis dabit ſonitum tibarum: * quia plus fecit quàm potuit, idcirco perierunt. * V. Supr. Iſai. 16. 6.

37. * Omne enim caput calvitium, & omnis barba rafa erit: in cunctis manibus colligatio, & ſuper omne dorſum cilicium. * Iſai. 15. 2. Ezech. 7. 18.

38. Super omnia teſta Moab, & in plateis eius omnis planctus: quoniam contrivi Moab ſicut vas inutile, ait Dominus.

39. Quomodo victa eſt, & ululaverunt? quomodo deiecit cervicem Moab, & confuſus eſt? eritque Moab in deriſum, & in exemplum omnibus in circuitu ſuo.

40. Hæc dicit Dominus: Ecce quaſi aquila volabit, & extendet alas ſuas ad Moab.